

## KIS-447 – Gl. infect-, sept-, infest-, noci-, pesticide

(GE da YBAN – 05 12 93)

Da aters a-zivout Gl. *pesticide* en deus va lakaet da adwelout an termenoù arveret en dachenn-se hag an danvez gerioù brezhonek a ginnigan.

War gerioù ar galleg, hag ar yezhoù all, e chom roudoù eus dedro ar c'hemeradurioù gant istor ar Vevoniezh ha, hiziv, an Drevoniezh. Setu aridennad ar furmoù gallek :

Gl. *infecter*. 1° (yezh klasel ha boutin) "intrañ gant flaer, flaeriañ, mouezhiañ". 2° (Mezekniezh hiziv) "ebarzhiñ er bevedeg garvevion kleñvedus o neriñ hag o tevoudañ anafoù". Br. **poreañ**.

Gl. *infection*. 1° (klasel ha boutin) "flaer, mouezh". 2° (Mezekniezh) Br. **poreañ**, **poreadur** g., h.a. ; (= maladie infectieuse) Br. **pore** g. -où.

Gl. *infectieux*. Br. **poreüs** ; **poreel** ; **poreek**. Gl. *maladie* —se. Br. **pore**.

Gl. *infectiologie* (studi ar poreoù). Br. **poreouriezh** b.

Gl. *infectiologue* (arbennigour war ar poreoù). Br. **poreour** g. -ion.

Gl. *désinfecter* "gwezhiañ renet e-maez ar bevedeg, anezhañ distrujañ ar garvevion kleñvedus hag ar meteier bevel ma tiñvont, diwar-bouez araezioù fizikel (gwrez), kimiek (dilestuzennoù), treloc'hel (broustañ, gwelc'hiñ)". Merzhout n'eus gant Gl. -*infect*- amañ hini eus daou gemeradur ar Gl. *infecter* : ar gwezhiañ desellet a c'hoarvez e-maez ar bevedeg evel en 1°, gantañ ez eus anv a c'harvevion kleñvedus evel e 2° Kinnig a ran deverañ diwar Br. **louez** (hBr. *loed*) : Br. **dilouezañ**.

Gl. *stérilisation* "distrujañ dre un araez fizikel (gwrez, skinoù) pe gimiek (dilestuzennoù) an holl c'harvevion, kleñvedus pe get, bezant war c'horre pe e diabarzh un draezenn. Kemmoù etre an termen-mañ hag an hini araok : an un gwezhiañ kaset d'un derez kreñvoc'h ha, dreist-holl, arveret e vez an termen evit a sell an dafar hag ar stavelloù surjanel. Br. **dishadennaat**.

Gl. *stérile* "kuit a bep garvev". Br. **dishadenn** aa.

Gl. *antiseptique* "danvezenn (vein)gimiek arloet ouzh ar gwiadoù bev war-benn lazhañ ar bakteri pe skoilhañ o c'hresk". Br. **dilestuzenn** b.

Gl. *antiseptie* "hentenn stourm ouzh an anaezioù lestel, he fennaenn o vezañ distrujañ ent reizhiadek ar bakteri kleñvedus e kement lec'h ma c'hellont nozout ouzh ar bevedeg". Br. **dilestañ, dilesterezh** g.

Gl. *asepsie*. 1° "Stad m'emañ amva ar bevedeg hag an traoù a c'hell mont a-stok outañ pa'z eo bet ezvevennet an holl vakteri kleñvedus anezhañ". Br. **anlest** g., **anlestegezh** b. 2° "Hentenn wareziñ ar bevedeg dre zerc'hel an anlest en e amva". Br. **anlestañ, anlestekaot**.

Gl. *septique*. 1° "a zo ennañ pe warnañ bakteri kleñvedus". Br. **lestek** aa. 2° "a c'hell degas bakteri kleñvedus en amva ar bevedeg". Br. **lestus** aa. 3° "a-zivout bezañs ar bakteri kleñvedus pe an anaezioù a zevoudont". Br. **lestel** aa.

Gl. *affection septique* "nep anaez diwar wered ar bakteri kleñvedus". Br. **anaez** g. **lestel, lestanaez**. Ar poreoù evel just zo anaezioù lestel ; bez' ez eus avat anaezioù lestel nad int ket poreoù ent strizh, da skouer ar pezh a anver e galleg *choc septique* (Br. **bleuz lestel**) a zo un azoniad kalongwazhiedel lemm devoudet gant bezañs bakteri 'zo er bevedeg (alese unan eus an abegoù da gaout an div stirann **pore** ha **lest** e brezhoneg).

Gl. *aseptiser*. Br. **anlestañ, anlestekaot**.

An termen Br. **lest** g. **-où** e-unan a yafe da gevatal d'ar Gl. *souillure* er c'hemeradur roet dezhañ en arnodvaoù pa lavarar : "Ar garvevion kavet er staot a zeu eus ul **lest**." Alese ur verb **lestañ**, a-gevenep d'ar verb **poreañ** ; sk. : "Ur staot **poreet** pe ur staot **lestet** ?"

Gl. *antibiotique* "danvezenn (vev)gimiek o wariañ kennevid ar garvevion, o virout outo a neriñ ha zoken a vevañ". Br. **bevastaler** g. **-ioù**.

Gl. *infestation* (lezel a ran a-gostez ar sterioù klasel ha boutin evit plediñ gant ar sterioù mezegel, kemplezh a-walc'h o-unan). Er ster mezegel kozh e veze roet Gl. *infection* hag *infestation* da zamgenster, hemañ o vezañ arveret evit ebarzhidigezh nep bev kleñvedus er bevedeg, hennezh o vezañ miret evit ar viruzioù hag ar bakteri kentoc'h. Hiziv ez eo strishaet erdal Gl. *infestation* da "aloubidigezh ar bevedeg gant ur amarvevad eus skourrad an Artropod", ha c'hoazh ne hañval ket an aozerion bezañ

unvan, reoù 'zo o komz eus arvevaded o chom war c'horre ar bevedeg (Gl. *ectoparasites*), reoù all o komz eus arvevaded o sankañ e-barzh ar bevedeg, eleze enarvevaded (Gl. *endoparasites*). Kinniget 'm eus Br. **argevezañ** (< hBr. *arcogued*, *arcoued*).

Ur ster all zo er Vezekniezh d'ar Gl. *infestation* : "bezañs pikerezed en un tolead ; aloubidigezh un tolead gant ar pikerezed" (N. B. "pikerezed" a arveran betek kaout un termen azasoc'h !). Betek gouzout ne welan ket abeg da glask un termen estreget Br. **argevezañ** amañ ivez.

Sz.Gl. *pesticide*. Termen savet diwar Sz. *pest* "loen pe blantenn noazus". War a hañval ez eo bet strishaet erdal ar Sz. *pest* o vont tre en deverad *pesticide*, ac'hoel mar seller ouzh ster an termen ur wech amprestet gant ar galleg : "aozad danvezet da zistrujañ arvevaded loenel ha struzhel ar gounezadurioù". Lavaret 'c'h eus din e vranisellez etre Br. **last(ez)** hag **astuz** evit ar c'hevatal brezhonek d'ar Sz. *pest*-. Respontet 'm eus ez eus kemeradurioù a-walc'h endeo war Br. **lastez** hag a-du-rall e ve diaezus degas Br. **last** e-kichen **lest** ha **lastez**. Hogen hañvalout a ra Br. **astuz** dereout amañ (kv. LOTH war RC 43 154-156 a-zivout Br. *steud*, *stuz*, h.a.). Br. **astuzlazh** aa., **astuzlazher** g. **-ioù**.

Un termen eeunoc'h a c'hallfed arverañ : Br. **diastuzer** g. **-ioù**, gant ur ster ledanoc'h pa c'haller emzizober diouzh noazerion dre ober dezho tec'hout koulz ha dre o lazhañ.

(GE – 11 12 93)

#### Gl. INFESTER

E'm lizher eus ar 05 12 93 da YBAN e kinnigen reiñ Br. **argevezañ** da gevatal d'ar Gl. *infestation* en e ster mezegel, eleze "aloubidigezh ar bevedeg gant un amarvevad eus skourrad an Artropod" ha, kemeradur amezek : "aloubidigezh un tolead gant ar pikerezed".

En e bellgomzadenn eus an 08 12 93 ez abege YBAN ar ster a vennen lakaat war Br. **argevezañ**. D'e veno edon o pellaat betek re diouzh arverioù anavezet hBr. *arcogued*, *arcoued* ha Kb. *argywedd* a chom holl war sterva La. "noxa", Kb. "niwed", Gl. "malfaisance". YBAN a venege an arver mezegel a gaver eus an termen

er *Meddygon Myddveu* : “hynny a *argyweda* yr kylla” (p. 162 eus Emb. Diverrès), troet : “cela t'endommagera l'estomac.”

Dezrann kealioù Gl. mezegel *infester* a zegouezh gant : <sup>1</sup>|"aloubiñ", <sup>2</sup>|"bezañ nozus". O kinnig da gevatal d'ar galleg ar Br. **argevezañ** ez ambreden ar c'heal <sup>2</sup>| o fiziout war an arveriaded evit intent ar c'heal <sup>1</sup>| war ar marc'had. Met bonnoù 'zo d'an anneulañ hag an harzder a-berzh YBAN a ziskouez ned a ket dioutañ e-unan al lamm gortozet.

Kenkoulz all e'm bez peurliesañ ur meni diegi o kempenn ster gerluniadoù (bet en arver, oc'h astenn dezho o nask evel ma lavare Marsel Klerg — war se e'm eus roet va soñj endeo e KIS-335, La-08, pp. 318-320. Gant ar builhentez loazioù a zo en hon c'herz hon eus gwell d'ober eget forzhañ o ster da c'herioù eildorn. Kevanluniañ ne lavaran ket.

Evit dec'heriañ keal an "aloubiñ" ez eus da zarnodiñ etre **gou-** evel e *gouzalc'h*, **tre-** evel e *trebarzhiñ*, *tregerzh-*, **ar-** evel en *argad*, *arlankañ* ha dreist-holl **er-** evel en *ergerzh*, *erc'hwiliañ*.

Evit dec'heriañ keal ar "bezañ nozus" e c'haller soñjal e **gwastañ**, **gwanañ**, **argevezañ**, **gwazhañ** (kv. hBr. *guohethe*, Kb. *gwaethu*), **-gal-** evel e hBr. hag e Br. *dial*, *gorial*, *galen*, e Kb. *anial*, *arial*, *dial*, *gelyn*.

A-douez ar rakgerioù on tuet da ziuz **er-** pa verk ar "mont da", ar "mont war-raok" hag arveret e vez endeo e tachenn ar beved.

A-douez ar stirannoù e kavan gant **-gal-** spletoù a zo, ouzhpenn eeunded e neuz ha, da heul, an emsav ez eo evit an divellekaat, ledanded e zurc'hadur ster, kreizet evelkent war ar c'heal da zec'heriañ amañ : "argadiñ, gwastañ, gwerediñ a-enep, bezañ enebour, h.a."

Alese e kinnigan Br. **erialañ**.

En hevelep pellgomzadenn, e sigur ar Br. **argevezañ** e'm eus tennet evezh YBAN war liesstumm deveradoù gallek al La. *nocere*. D'o renkañ en un doare a ziskouezo klot ha disklot ar stummoù hag ar sterioù, en o stalan en un daolenn :

	adanv	adanv kontrol	pennanv	pennanv kontrol
<i>nocu-</i>	1	2	3	<sup>4</sup> <b>innocuité</b>

<i>nociv-</i>	<sup>5</sup> <b>nocif</b>	<sup>6</sup>	<sup>7</sup> <b>nocivité</b>	<sup>8</sup>
<i>nuis-</i>	<sup>9</sup> <b>nuisible</b>	<sup>10</sup>	<sup>11</sup> <b>nuisibilité</b>	<sup>12</sup>
<i>nuisan-</i>	<sup>13</sup> <b>nuisant</b>	<sup>14</sup>	<sup>15</sup> <b>nuisance</b>	<sup>16</sup>

Merzhout a reomp e chom goulo ouzhpenn an hanter eus al logoù. N'eus da **nocif** ha **nuisible** enepster kendeveret ebet. Heñvel dra da **innocuité**, nevezc'her savet e 1783 diwar La. *innocuus* evit ar Vezekniezh, n'eus adanv nag enepster kendeveret. Ar pennanv **nocivité** deveret diwar an adanv **nocif** en deus kemeret lec'h ar pennanv deveret diwar **nuisible** : **nuisibilité** (ha **nuisabilité** !) nebeut arveret hag a gemeradur arbennik. Da enepster **innocuité** ez arverer **nocivité**. Ken e reer gant gerioù ha geriennoù diseurt da amsaviñ an termenoù ezvezant en daolenn :

- <sup>1</sup> **nocif**
- <sup>2</sup> **anodin, inoffensif**
- <sup>3</sup> **nocivité**
- <sup>6</sup> **anodin, inoffensif, innocent, bénéfique**
- <sup>8</sup> **innocuité, innocence, bienfaisance**
- <sup>10</sup> **inoffensif, utile, bienfaisant**
- <sup>12</sup> **innocuité, utilité, bienfaisance**
- <sup>13</sup> — & **provoquant des nuisances**
- <sup>14</sup> **non nuisant & dépourvu de nuisances**
- <sup>16</sup> **non nuisance**

Da notañ c'hoazh ur c'hemm etre arverioù Gl. **nuisible** ha **nocif**. E galleg arnevez en deus **nuisible** an erdal ledanañ — gant un arbennikadur evelkent e-keñver an traoù bev. Gl. **nocif**, strishoc'h e erdal, kreñvoc'h e ster, a zibaber peurliesañ evit doareañ ar gweredoù fizikel hag al levezonoù buhezel. N'eus ket evelkent kevenebiezh krenn etrezo ha keveskemmus e vanont e meur a dro. D'e wiriañ n'eus nemet keñveriañ roll an damheñvelsterioù roet gant ar geriadurioù da bep hini anezho : **NUISIBLE**, *dangereux, dommageable, funeste, malfaisant, néfaste, nocif, toxique* ; *insalubre, malsain* ; *mauvais* ; *délétère*. **NOCIF**, *dangereux, funeste, nuisible, toxique, délétère* ; *pernicieux*.

Un dispister heñvel a verzher e saozneg er bevennoù etre stervaoù **noxious, harmful, hurtful, injurious**, h.a.

E brezhoneg, keit ma chomer war dachenn al lavar boutin e ranker evit an ampoent tremen gant gerioù ar yezh lennegel : **noazus, gaouus, gwallus, argollus, euverus, gloazus, drougoberus, reuzius, drastus, kontammus, pistrius, diyac'hus**,

**diyec'hedus, klañvus, yud**, h.a. ha deverañ diwarno pennanvioù hag enepsterioù dre ober frank gant holl loazioù ar brezhoneg arnevez, da skouer o tegas : **dinoaz** aa. & g. ; **dinoazded** ; **dinoazus** ; **dinoazusted**, h.a. (en degouezh-mañ e kilfed rak sevel un **annoaz-** en abeg d'an arvar a vesk gant **annoazh**).

Ar c'hudennoù o sellout ouzhimp dreist-holl eo an arverioù kalvezel eus deveradoù La. *nocere*.

Gl. *nuisible* aa. & g. En Drevoniezh e toareer evel-se Loened arvevat, gloazus, binimus, distrujus pe o trezougen hadennoù kleñved. Kinniget 'm eus Br. **noazer** g. -**ion**.

Gl. *nuisant* aa. & g. En Arvevadouriezh, o toareañ un Artropodenn o flemmañ hep dec'han kleñved ebet. Sz. *noxious*. Kinnig a ran Br. **heger** g. -**ion**.

Gl. *nuisance*. En Drevoniezh, rumm parennoù a orin kalvezel (trouzioù, disleberadoù, saotradurioù, h.a.) pe gevredadel (daskompradurioù, meskroez) noazus d'ar beved ha d'ar vuhez. Abaoe 1974 e reer er ster-mañ gant Br. **euver** g. -**ioù** (reveziadenn gentañ war *Emsav* 91, p. 251).

E Gl. o deus aozerion arveret *nuisibilité* (ha *nuisabilité* !) gant ar ster "bezañ danvez euver, bezañ euver en un doare". Br. **euverusted** b., **euvergezh** b.

Gl. *nocicepteur* g. Er Vevedouriezh ez anver **fraouvaoù** (Gl. *récepteurs*) organoù pe tachadoù en araez da vezañ fraouaet gant argemmadoù alvezel 'zo : ar gwask, al luc'h, ar gimiezh, ar sten, h.a. Br. **gwaskfraouva**, **luc'hfraouva**, **kimifraouva**, **stenfraouva**. Un doare all da envel an organoù hag an tachennoù kizidik ouzh ar gweredoù diseurt eo ober kel eus mod an eraeziñ a-berzh ar gouzrec'h en o c'heñver ; e se e komzer eus Gl. *nocicepteur* evit nep fraouva a sav dioutañ, forzh pe wered alvezel a ve ouzh e gentrigañ, un eraezad laur, alese an anvad brezhonek a ginnigan evitañ : **laureraezer**. Heñvel dra e vo graet anv eus Br. **blizeraezer** – n'eus pa ouzon anvad gallek ebet dezhañ savet diwar *-cepteur* ; kel a reer eus *zone érogène, corpuscule du plaisir*.

Gl. *nociceptif* aa. Meur a gemeradur zo (bet) d'an termen-mañ e galleg :

1. Arveret e vez evel adanv kendeberet da Gl. *nocicepteur*. Br. **laureraezus**, **laureraezer** aa.

2. A lavarar eus ur gentrigenn o tevoudañ un disleberad er gwiadoù ; en dro-mañ e kinnigfen an adanv Br. **argevezus** ; e se e ve roet da Br. **argevezañ** ar ster end-

eeun a gaver er *Meddygon Myddveu* gant Kb. *argyweddu* "to hurt, harm, injure, damage" pe el lavar mezegel a vremañ : "a-zivout ur gwered dibarek, devoudañ un direizh, un disleberad, un anaf en ur wiadenn eus ar bevedeg." Adkavout a reer amañ unan eus kemeradurioù ar Gl. *nocif*; sk. : "un gaz *nocif*", Br. "un aezhenn **argevezus**". Da heul e tegouezhfed gant ar c'hevatal d'ar Sz. *injury*, Br. **argevez** g. (a chom hep kevatal dik e galleg pa reer er yezh-se gant *lésion, blessure, désordre* ma n'eo ket gant an amprest *injury*). Da heul bepred, e kavfe ar Gl. *innocuité* er ster arbennik-mañ da gevatal dezhañ ar Br. **anargevez**, termen kinniget endeo gant YBAN e *Geriadur an Armerzh*.

3. Un arver dibarek eus an adanv a gaver er c'herienn Gl. *réflexe nociceptif* "erwezh andiarvenn (Gl. "réaction involontaire") evit hepkoriñ ul laureraezad (da skouer, serrañ ar malvennoù rak ar goulou)". Br. **damoug ouzh laureraezad**.

4. Un arver dibarekoc'h c'hoazh, goulakadek ouzhpenn, a vez er c'herienn Gl. *excitation nerveuse nociceptive*, oc'h aroueziñ "ur broudadur diwar sezenn un daraez, treuzkaset dre ar reizhiad nervstruzhel d'an empenn ma tec'han darwazh ha gouliñv" (Gl. "une excitation ayant pour point de départ le siège d'un trauma, transmise par le système vagosympathique au cerveau, où elle détermine de l'hyperhémie et de l'œdème"). Ober a rafen gant Br. **broudadur nervargevezus**.

Gl. *nocebo*. An termen-mañ a Vezekniezh a vez arveret a-gevenep da Gl. *placebo* ; hemañ a arouez un asvan louzoù o kaout gweredoù ul louzoù gwir — dre ur wikefre vredel ha n'eo ket bevedel. Heñvel dra, Gl. *nocebo* a arouez un asvan louzoù a zeu diwarnañ gweredoù displijus pe noazus dre berzh un emell eus bred ar gouziviad ha n'eo ket dre un devouderezh bevedel. Evel ma reer gant Br. **plakebo** g. **-ioù** & aa. e kinnigan ober gant **nokebo** g. & aa., sk. : **gwered nokebo** (Gl. *effet nocebo*).

#### GERVA BREZHONEK-GALLEK

<i>amarvevad</i> g. -ed ectoparasite	<i>anlestek</i> aa. aseptique
<i>anaez</i> g. -ioù <i>lestel</i> affection septique	<i>anlestekaat</i> aseptiser ; asepsie
<i>anaf</i> g. où lésion	<i>anneulañ</i> sl. GBLF. ¶ 650 □
<i>anargevez</i> g. innocuité	<i>argevez</i> g. -ioù lésion, blessure, désordre (Sz. injury)
<i>andiarvenn</i> aa. involontaire	<i>argevezañ</i> nuire, léser, blesser
<i>anlest</i> g. asepsie	<i>argevezus</i> aa. nocif ; nociceptif
<i>anlestañ</i> aseptiser ; asepsie	<i>Artropod</i> s. -enn Arthropodes
<i>anlestegezh</i> b. asepsie	<i>Arvevadouriezh</i> b. Parasitologie

<i>astuz</i> g. -ioù & s. -enn insecte ou plante nuisible (Sz. pest)	<i>fraouwa</i> g. -où récepteur (physiologique)
<i>astuzlazh</i> aa. pesticide	<i>garvev</i> g. -ion <i>kleñvedus</i> microbe pathogène
<i>astuzlazher</i> g. -ioù pesticide	<i>gouliñv</i> g. -où œdème
<i>azoniad</i> g. -où <i>kalongwazhiedel lemm</i> syndrome cardiovasculaire aigu	<i>gwaskfraouwa</i> g. -où barorécepteur
<i>bakteri</i> s. -enn bactéries	<i>gwered</i> g. -où <i>nokebo</i> effet nocebo
<i>bevastaler</i> g. -ioù antibiotique	<i>hadenn</i> b. -où <i>gleñved</i> germe pathogène
<i>bleuz</i> g. -ioù <i>lestel</i> choc septique	<i>heger</i> aa. & g. -ion nuisant
<i>blizeraezer</i> g. -ioù zone érogène	<i>kennevid</i> g. métabolisme
<i>broudadur</i> g. -ioù <i>nervargevezus</i> excitation nerveuse nociceptive	<i>kentrigañ</i> appliquer un stimulus
<i>damoug</i> g. -où <i>ouzh laureraezad</i> réflexe nociceptif	<i>kentrigenn</i> b. -où stimulus
<i>darwazh</i> g. congestion, hyperhémie	<i>kimifraouwa</i> g. -où chémorécepteur
<i>daskompradur</i> g. -ioù encombrement	<i>laureraezad</i> g. -où sensation douloureuse
<i>devouderezh</i> g. <i>bevedel</i> déterminisme physiologique	<i>laureraezer</i> aa. nociceptif & g. -ioù nocicepteur
<i>diastuzer</i> g. -ioù pesticide	<i>laureraezus</i> aa. nociceptif
<i>dilestañ</i> antiseptique	<i>lest</i> g. où souillure (laboratoire)
<i>dilesterezh</i> g. antiseptique	<i>lestanaez</i> g. -ioù affection septique
<i>dilestuzenn</i> b. -où antiseptique	<i>lestañ</i> souiller (laboratoire)
<i>dilouezañ</i> désinfecter	<i>lestek</i> aa. septique
<i>dishadenn</i> aa. stérile (exempt de germes)	<i>lestel</i> aa. septique
<i>dishadennaat</i> stériliser	<i>lestus</i> aa. septique
<i>disleberad</i> g. où altération, dégradation	<i>louez</i> aa. (matière organique) contenant des germes infectieux
<i>enarvevad</i> g. -ed endoparasite	<i>luc'hfraouwa</i> g. -où photorécepteur
<i>eraezad</i> g. -où sensation (physiologique)	<i>meskroez</i> g. promiscuité
<i>eraeziñ</i> sensibilité (physiologique), esthésie	<i>metou</i> g. <i>meteier bevel</i> milieu organique
<i>erialañ</i> infester ; infestation	<i>neriñ</i> se multiplier ; multiplication (des microbes)
<i>erwezh</i> g. -ioù <i>andiarvenn</i> réaction involontaire	<i>noazer</i> aa. & g. -ion nuisible
<i>euer</i> g. -ioù nuisance	<i>nokebo</i> g. -ioù nocebo
<i>eweregezh</i> b. nuisabilité, nuisibilité	<i>parenn</i> b. -où facteur
<i>euerusted</i> nuisabilité, nuisibilité	<i>plakebo</i> g. -ioù placebo
<i>fraouaat</i> stimuler	<i>pore</i> g. -où maladie infectieuse ; infection
	<i>poreadur</i> g. -ioù infection
	<i>poreañ</i> infecter ; infection



<i>poreek</i> aa. infectieux	<i>saotradur</i> g. -ioù pollution
<i>poreel</i> aa. infectieux	<i>sezenn</i> b. -où un daraez siège d'un trauma
<i>poreour</i> g. -ion infectiologue	<i>stenfraouva</i> g. -où phonorécepteur
<i>poreouriezh</i> b. infectiologie	<i>trezougen</i> être vecteur (d'un germe pathogène)
<i>poreüs</i> aa. infectieux ; infectant	
<i>reizhiad</i> b. -où <i>nervstruzhel</i> système vagosympathique	